

Jehe, ajijaropi Diojine dsama nahatoponi tahimarin  
Tahidepi meme nami nohueraccadsama Dio pohua  
motta madipojari. Nadsapa Dio meme nami  
inahatodsapi huapima inahatoridsajari.

1

Tahidepi passo ponira ojariccani.  
Dsidsini naqui anijaro.

2

Nadsapa Dio attia: -Ssiaja anina -nadsapa ssiajani  
anijaro. Nadsapi icanarobejaro; dsidsini, ssiajani najaro.  
Nadsapi dsomejaro, huada ojarie jicajaro.

3

Nadsapa huada ssiajadsapi meme inahatojaro.  
Nadsapi dsomepomajaro. Huada pamehe jicajaro.

4

Nadsapa huada ssiajadsapi Dio pohua attidsa passo  
inatassaquijaro. Nadsapi nami ahuato tajaro. Passo  
toqueriquinidsapi passo imeni tojajaro.

5

Nadsapa Dio attia: -Namidsa dsero moro taridsana  
-nadsa moro taridsajaro. Pohua atti naco: -Dsamatapa  
naco aniridsana. Ahua bono cajihicca naco moro  
taridsana -nadsapa nama inanajari. Nadsapi  
dsomepoma, ssiajapoma najaro.

6

Nadsapa huada ssiajadsapa Dio attia: -Ssiejene anina; ssiajacca, dsomecca naco anihijine -nadsapa maji, abadsico, abadsico bedi naco inahatoridsajari. Nadsapi dsomepoma, ssiajapoma najaro.

7

Nadsapa huada ssiajadsapa Dio attia: -Passo abari animanana -najari. -Meme abari naco memedsa jahiridsana -najari. Nadsapa Dio icatidsebaqquijari: -Tipotemanissa dsanapona, passo abari tijaribaqquina, meme abari naqui tijaribaqquina -najari Dio. Nadsapi dsomepoma, ssiajapoma najaro.

8

Nadsapa huada ssiajadsapa dsama abari huapima inahatoridsajari. Bani bedi pina torocaca, sese, dsorima naco inahatoridsajari.

9

Bani ohuaha naco pina macca, mori, codso naco inahatoridsajari.

10

Dsama abari pina dsomaji, bojo, pohoroco, ette naco inahatoridsajari. Ohuaha, ohuaha inanaridsajari.

11

Nadsapa Dio attia: -Madija inahatona, pina iassa nahijine -najari. Nadsapa maqquideje inahatojari, dsotode amoneje naqui inahatojaro. Maqquideje onipa Adana. Amoneje oninipi Eba. Nadsapa madijapa bani huapimadsa deni da toquinajari. Nadsapi dsomepoma, ssiajapoma najaro.

12

Nadsapa Dio pocca nahatoniji huapima qqui tadsapa: -Epeje bica tani -najari Dio. Pohua dsepe ijie jicanissa tadsapi huada ssiajadsapa jassi najari. Nadsapa pohua attipa: -Ajijaro huadapi occa jassinajacca huada tojajaro -najari Dio.

13

Jehe ajijaro imapi meme nami nema nehe Dio inahatoponi tahimarini. Epejeni.

14

## *Dsama inahatopojaro tahimarini*

LA HISTORIA DE LA CREACION

Primera edición, 1995

Sociedad Bíblica Peruana A. C.

Lima 14. Perú

con la colaboración del

Instituto Lingüístico de Verano

CUL-NLCREA .2M 1995